


0 10 20 30 40 50 60 70 80 90 100 110 120 130 140 150 160

Inches
Centimetres
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

Kodak Color Control Patches



徳和
367
二部

王深寧先生年譜

王深寧先生年譜

四明錄事堂藏本


國 / 冊 1 號 60077

王深寧先生年譜

道光乙巳孟夏重刊

王深寧先生年譜

四明繼雅堂藏板



四明侯宗曰惟先生
 性道克明學海文府
 立虛英聲
 是末造格危柱頌
 高龜鑑鐵石
 孚是精誠大蹠夙
 煥詞元晶
 鍾石遷變藻蔚榮
 岷峨齊芴
 千古宋廷遺宮有
 康成
 後來其刑
 唐之表聖漢之康成
 童槐謹題

上深寧先生年譜

陳 僅餘山纂輯
 張 恕鐵峯編次
 里後學

宋寧宗嘉定十六年癸未先生生

先生姓王氏諱應麟字伯厚又字厚齋行廿二以是年

七月二十九日寅時生弟應鳳生與先生同日應鳳字

仲儀又字默齋小字若鳳宋史儒林本傳應麟與弟應

父撫同日雙生二子曰應麟應鳳僅按嘉定癸未七月

庚午日先生與弟應鳳同日生見先生自嘉定十四年

辛巳誤竹汀錢氏先生年譜謂應鳳後先生八年生與

先生同本貫開封府祥符縣僅按先生自稱浚儀遺民



子建王仲宣誅善註陳留風俗記曰汝儀縣魏之都也魏滅晉獻公以魏封大夫畢萬後世文侯初盛至子孫稱王是為惠王然曾祖安道字時中武經大夫保信軍以稱王因氏焉

承宣使建炎初扈蹕南渡乾道間始定居於鄞僅按嘉靖寧波

府志鄞縣治南一里宋尚書王應麟所居至今稱王家府謝山全氏湖語注深寧先生封鄞縣伯故所居亦稱

錦里今考先生故居在城西南廂鄞縣學前白鶴廟之東廟相傳為先生書堂遺址即所謂汲古堂書庫也王

家府錦里祖晞亮字寅仲武經郎墓誌云朝散大夫又

名皆不傳按高斯得撰先生父王撫墓誌銘云大父安道建炎渡

江從名數於四明官至武經大夫保信軍承宣使轉利

州觀察使父晞亮武父撫字謙父即以是年登進士按

經郎贈朝散大夫蔣重與余天錫同年後官至朝請大夫吏部郎中兼國

贈正奉大夫

十七年甲申二歲

理宗寶慶元年乙酉三歲

二年丙戌四歲

侍吏部公於安吉

三年丁亥五歲

紹定元年戊子六歲

二年己丑七歲

三年庚寅八歲

四年辛卯九歲

通六經

五年壬辰十歲

六年癸巳十一歲

侍吏部公於臨安

端平元年甲午十二歲

二年乙未十三歲

三年丙申十四歲

嘉熙元年丁酉十五歲

二年戊戌十六歲

從鄉先生吳參倚學

三年己亥十七歲

吏部公遷國子正先生隨侍入朝是歲余天錫參知政

事屬吏部公教其子弟歲終致束修堅卻不受曰吾二

兒習詞學鄉里無完書願從公求尺牘往借周益公傳

內翰番陽三洪公暨其餘習詞學者二十餘家所藏書

余欣然應之吏部公性嚴急每授題設巍座命坐堂下

刻燭以俟少緩輒呵譴之由是先生文益敏捷僅按吏部為樓

迂齋高弟始忤史彌遠繼忤丁大全位終不達文章氣節推重一時先生之淵源家學蔚為大儒有自來矣

四年庚子十八歲

是年八月試國子監中選試題安人天民之福賦整翮

當雲霄詩莊騷

所錄論策問蜀帥北使次問

士氣末問教胄子

僅按先生因學紀聞卷六攻媿跋語用飛天在上行人在下原註嘉熙庚

子愚試胄闈王圖南發策亦用此二語蓋即第一問中語也

淳祐元年辛丑十九歲

是年二月別院省試奏名試題

詩統紀法度如何

刑 四月御史臺覆試試題人君之道無私論 五月

廷試乙科賜進士及第

僅按徐儼夫榜

親策問正學吏治邊防

邦計耕屯荒政六事太祖肇基高宗中興規模 六月

聞喜晏賜御製詩涼菲膺圖屢改元賓興六詔

臨軒

勵精思振清明政策秀欣求敬主莫如仁與義

立身休計飽和温時艱全藉賢經濟勉力應無負選掄

七月侍吏部公通判婺州在婺從王埜受學得呂成

公真文忠之傳是歲史彌鞏知婺州與吏部公同事相

得史公二字能之胄之皆先生同年兩家子弟相好也

二年壬寅二十歲

授迪功郎衢州西安縣主簿民以年少易之先生白郡

守繩以法諸校欲為亂縣令倉惶無措先生以理論服

之

三年癸卯二十一歲

四年甲辰二十二歲

五年乙巳二十三歲

侍吏部公入朝 是秋作廣恩崇福寺記

宋史本傳云應麟登第言

曰今之事舉子業者沾名譽得則一切委棄制度典故漫不省非國家所望于通儒于是閉門發憤誓以博學宏詞科自見假館閣書讀之至正直記云四明王厚齋尚書博學每以小冊納袖中而出僅按先生自登第至試詞科則筆錄之復藏袖中而出僅按先生自登第至試詞科在朝之日甚淺其假館閣書未知當在何時附記于此以見先生學問之本原云

六年丙午二十四歲

是年十月赴西安

七年丁未二十五歲

八年戊申二十六歲

十月差監戶部平江府百萬東倉 是年長子良學生

字茂章

九年己酉二十七歲

是年三月陞從事郎

十年庚戌二十八歲

十一年辛亥二十九歲

是年吏部公為四朝史編修官撰輿服志四卷 弟應

鳳以蔭補將仕郎 代吏部公作謝賜御書竹林汲古

傳忠六字表

十二年壬子三十歲

是年四月差浙西提舉常平茶鹽司主管帳司部使者

鄭霖異待之 七月考試臨安 十二月丁吏部公憂

僅按曠記云淳祐十二年差浙西提舉常平茶鹽司主管帳司是歲丁吏部公憂寶祐三年服闋差揚州州學教授按吏部公以十二月三日卒年六十九錢譜謂卒于寶祐元年癸丑十二月則已卯十二月方再期不得除服赴差揚州當以曠記為定

寶祐元年癸丑三十一歲

二年甲寅三十二歲

三年乙卯三十三歲

是年二月服闋 三月差揚州學教授 僅按先生試宏詞繫銜云從事

郎新揚州州學教授若三月差授至明年二月歷時已久似不得稱新豈差命雖下而以試事實未及赴任故仍從初銜之例歟附疑俟考

四年丙辰三十四歲

是年二月試博學宏詞科中選試題昭慶軍承宣使左

金吾衛大將軍荆湖北路安撫副使兼知鄂州授寧武

軍節度使龍神衛四廂都指揮使夔路安撫使兼知夔

州兼提領措置屯田兼控扼瀘叙昌合四州邊面加食

邑食實封制周山川圖記代皇子謝賜御書孝經十六

句表堯衢室銘天禧編御集序漢華平頌 三月有旨

聽擢 四月添差浙西安撫司幹辦公事 五月集英

王漢寧先生年譜
殿策進士宣入殿廬充覆考檢點試卷官考第既上帝
欲易第七卷置其首先先生讀畢頓首曰是卷古誼若龜
鑑忠肝如鐵石臣敢爲得人賀帝喜遂寘第一及唱名
乃文天祥也先生弟應鳳亦以第二甲第九人登第
五年丁巳三十五歲

主管三省樞密院架閣文字 七月除國子錄制朕欲
以理義淑人心以教法新士習師儒之官其誰宜僉曰
爾文杓篤實無華曷洗其質也爾用存修潔有守金玉
其相也爾似道識度老成歛實而秋也爾應麟才思汗
瀾敷華而春也儀于周行聲籍甚是用進文杓於東

博升用存於經博擢似道於武博應麟則掌成均之法
以飭之夫業精於勤荒於嬉行成於思毀於隨此晨入
之誨也爾豈遜於愈者哉朕將有考於斯可 十月改
宣教郎依舊職

六年戊午三十六歲

是年六月除武學博士制朕新美多士遴擇庶官文武
之教雖殊而所以教則一以爾得吉嚮然其文淵乎其
道其陞師屬以迪胄子爾耕學茂而醇辭麗而則其
博通以淑生徒爾應麟見聞殫洽才思齋然其範韜矜
之士爾璞年耆德明氣和守正其舉糾繩之政夫古

之學者必時春夏教禮樂秋冬教詩書而干戈羽籥之容亦在所必講爾其惟勤惟思往以身率使音鏘於金石則在泚之莪菁矣 上疏言人才乏而民力殫宜謹左右而防壅蔽求哲人以輔後嗣既對上問其父名曰爾父以陳善為忠可謂繼美

開慶元年己未三十七歲

是年正月為禮部點檢試卷官

二月除太常寺簿制

奉常

陳殷置輔隸其間非才識兼茂聞望

素高者不界也爾應麟博聞而強識積學而多文固嘗以異科顯矣由右序而稽秩宗榮進豈易量哉聲教四

達文治勃興非國家盛事歟尙其勉之毋但曰供簿止

而已矣則朕以懌 三月出院 五月輪對後殿時丁

大全為丞相欲致先生不可得大全諱言邊事先生入

對言軍功未集而吝賞民力既困而重斂非修攘計願

陛下勿以晏安自逸勿以容悅之言自寬上以邊事為

憂先生言無事深憂願汲汲豫防毋為壅蔽所欺由是

益與大全忤是日即以臺諫疏論罷 十月丁大全罷

賈似道為右丞相 弟應鳳中博學宏詞科

景定元年庚申三十八歲

是年九月轉奉議郎添差通判台州

王深寧先生年譜

二年辛酉三十九歲

三年壬戌四十歲

是年八月赴台州僅按家乘云是歲長子良學登第而
擴記未言浙江通志選舉六是年方
山京榜亦無良學名凡家乘中
如此類皆不足徵信今盡削

四年癸亥四十一歲

是年二月轉承議郎 五月除行太常博士制奉常漢
樂官也博士皆以專經選今惟禮樂是司視成均尤重
且率為繁官要輒之儲爾以詞學進身文譽滋著亦既
任師儒之責矣明禋秩典召而歸之講明圭幣之文品
齊俎豆之事往殫爾職嗣聽異除文字官非爾誰屬

七月供職 九月祀明堂為前導官

五年甲子四十二歲

是年除行祕書郎制郎於祕府職亞南宮非得名流曷

稱爾應麟見聞殫洽學殖淵源嘗登詞翰之科則

宜游宏達之林矣雍容冊府蓋將養資望培器業以大

其所成就也賦三都奏二漢無取焉勉爾猷為對予罷

渥 七月彗星見詔求直言先生率同舍五人扣閣上

書極論執政侍從臺諫之罪積私財行公田之害又勸

帝受直言以應天變 八月輪對延和殿有旨繳進是

月兼沂靖惠王府教授 九月赴講堂講禮記 十月

三

九

度宗卽位三日請聽政有旨兼攝禮部郎草百官表故事嗣君御殿丞相四上表卽允忽奉旨增撰三表先生操筆立就丞相護山陵畢復令作辭表三通吏拱立以竢先生從容授之丞相大驚異十二月除行祕書著作佐郎制書省有位非元元本本殫見洽聞者不得與於斯文也爾應麟精筆妙墨蚤擢詞科記事纂言見謂博識文采炳蔚學殖深長讀中祕書旣蒞游於東觀攝名表印嘗草奏於南宮序遷史筵益觀筆緬懷元豐更官初皇祖大訓以爲非蘇軾不可茲豈直取人於詞藝間哉尙企前修益培遠業僅按廣記遷著作佐郎在度宗登極前登

極恩轉朝奉郎制生民立君故尊居於大寶惟辟作福斯溥錫於湛恩茲於一人踐阼之初是人臣委質之始粵從京秩遞進華階臣事君以忠宜勤厥職官量能而授嗣選爾勞

度宗咸淳元年乙丑四十三歲

是年正月直學士院馬廷鸞知貢舉有旨攝直學士院
一三月兼權禮部郎官 四月考太學補試 閏五月
兼翰林權直學士院崇政殿說書 六月經筵進講周
易讀稽古錄 七月除著作郎制昔神宗謂著作郎非
蘇軾不可聖眷厚矣然軾未嘗一日安其位其爲名表

郎為翰林學士則皆元祐初年也爾種學績文遂登朝
列今由少著升大著且一日盡踐軾所居官望爾厚矣

其益以軾之文章節義自勉以稱予意 十一月賜緋

魚袋是年次子昌世生為四月二十三日辰時僅按據黃潛墓誌

當生於咸淳三年丁卯卒年六十一與家乘異 湯文清公為太常少卿與

先生隣牆居朝夕講道言關洛濂閩江西之同異永嘉

制度沙隨古易蔡氏圖書經緯西蜀史學通貫精微剖

析幽眇湯公曰吾閩士良廣惟伯厚乃真儒也僅按宋史湯漢

字伯紀安仁人官至端明殿學士卒諡文清其除太常少卿在度宗登極後錢譜附于景定四年寧波府志亦

云應麟為太常博士湯漢為少卿比屋而居皆失之不考今訂正

二年丙寅四十四歲

是年正月除守軍器少監制朕妙揀臣工分典戎器以

詞臣領率循神考之規繇望郎進有若阜陵之瞻爾精

探力索殫見洽聞承明著作之庭稽古禮文之事大易

辨問之學兩漢制誥之風為邦之光咨爾大雅國家

明政必閒暇之時而器械精能須文學之士已若茲監

以修我戎其課參軍而升傑直忠信為甲冑可殫武庫

之材文章瑞朝廷尚懋儒林之業 經筵值人日雪因

奏春雪過多民生飢寒僅按錢譜在丁卯今依宋史訂正 是月陞兼

學士院權直 三月援淳熙詞臣倪思故事乞免兼禮

部郎官有旨依所乞免兼 九月轉朝散郎除將作監
制梓慶之■靜心者能為輪扁之言讀書者有取欲觀
 聖人之作疇若匠氏之功以爾振發純英滋漸名訓更
 日番入時則賴以質疑三年弗言時則資之作命往服
 乃事以修我戎甫茲視朔宜爾陟序朕奉苑囿無所資
 益雉監遂號於簡清若室家惟其塗茨鴻業正思於潤
 色靡有虛張之繕可以大肆於文直中繩曲中規爾尚
 助予而勸學材有美功有巧朕方用汝以為良若時超
 遷嗣有殊渥 輪對言人君防未萌之欲存不已之誠
 十二月先生叔父宗正少卿拯卒拯字正甫

三年丁卯四十五歲

是年正月郊祀為禮部郎奏解嚴皇太后受冊禮為太
 常博士前導冊寶 二月賈似道拜平章軍國重事似
 道聞先生經筵奏語深忌之事見宋史本傳然素重先生語包
 恢諷先生令少自貶先生笑曰迂相之患小負君之罪
 大 三月兼侍立修注官陞權直學士院 八月輪對
僅按四字見家乘意當日必有嘉謨今不可攷矣 十月雷先生奏十月之雷

惟東漢數見命令不專姦姦竝進卑踰尊外凌內之象
 又言守成必法祖宗御治必總威福賈似道益惡之按僅

宋史本傳冬雷事在遷起居舍人後

是月除試祕書少監制我國合

古則燭興景化五星聚奎之歲兆於文明上帝羣玉之府處以儒素爾學醇而富詞麗以則講論經理諸老生未能言藻繪上命古訓誥無以過今其命爾貳我書省飾我王度少蓬乃從臣之選中禁非它司之比所典領者重對時嘉遇尙克丕欽 陛兼侍講制朕惟我高宗紹開中興垂精典學爰命臣震貳中祕監執經講幄緝熙光明之盛垂法萬世朕甚慕焉以爾博綜百氏之籍自成一家之文代言鰲禁以潤色皇猷載筆螭坳以謹書國典雍容金華之晚席發揮聖人之微言朕日聞仁義之陳庶幾三益之友是用一日二席陞侍細旃爾其

飽觀天祿石渠之藏敷暢羲文周孔之祕俾朕迪我高后之德爾亦與有無窮之聞 上疏論市舶不報 十

一月進講毛詩禮記君子欠伸一章謂君以自強不息為剛臣以陳善閉邪為敬講性理討古今有夜分日昃而不倦者上無厭斁之心下無顧望之意是故學以聚

之而德益進問以辨之而理益明蓋因以規諷云僅按

進講禮記君子欠伸一章云云見先生困學紀聞卷五考家乘應附於是閣百詩箋謂為度宗咸淳元年時誤

除中起居舍人兼權中書舍人書行吏右禮工房制朕

觀一陽之來復登羣獻以同升君舉必書古有太史左王言作命今為三舍人爾博學精通靖共正直講昭素

之易見遇於乾龍類臣珪之文可追於西漢伊昔書洪
 範三德上端拱一箴介於兩省之聯萃乃一家之懿成
 爾顯德配前文人是用擢寘右螭兼典西掖事書之策
 予將厪乎樞機情見乎辭亦尚思乎潤色庶幾起居號
 令之重常如準繩規矩之陳則罔所愆亦克用勸 經
 筵進讀孝宗寶訓終篇轉朝請郎制歷代寶為訓於皇
 烈祖之謨三王惟其師允賴儒臣之益爰肆開於經幄
 用祇若於先猷亦既徹篇可後褒典爾學博而有守文
 贍而不浮談經得聖人之微摛辭鼓天下之動琅然細
 氈之講誦秩若成憲之昭明予欲率由舊章爾惟訓於

朕志進升華序將大多聞治願力行敢替詒謀之德學

無止法尙 藥石之忠

僅按家乘載經筵進讀孝宗寶訓終篇轉朝散郎制曰云云在

三月陞權直學士院下與曠記不合且丙寅九月已載轉朝散郎不宜復出今定為朝請郎之誤依曠記移正惟先生既轉是階而庚午慶元府學大成殿記仍繫朝散郎舊資殊不可解豈曠記亦有誤歟附疑俟考

十二月以柱史故事牒閣門匱前奏對言用人莫先察
 君子小人當國者疑之方袖疏侍班後殿臺疏遽上御
 筆除職與祠由是二史直前之制遂廢

四年戊辰四十六歲

是年除祕閣修撰主管建康府崇禧觀

制

賢者出處之際胡遽浩然深慊予衷用全

體貌爾性行端謹問學淹該緝熙光明有類執經之益
 討論潤色無非宜誥之文甫修立坳乃懷居里是用寵
 以書林誤次之職供以祠館恬養之真載思丹地之代
 言於斯為稱毋碧山之不負行矣過歸真逸閣記云子王子自桂
 下史免歸為句曲山祠官夏日憩北窗夢游其處九月先生弟應鳳卒於臨安
 僅按家乘是歲九月二十二日公弟應鳳卒於臨安府
 北關門葬同畧下安山壽四十六按陳合撰公母陳太
 碩人墓誌銘為咸淳九年云子二應鳳官至朝奉郎太
 常博士先五年卒據此則家乘所載為信又按應鳳
 歷官軍器監丞以兄嫌改差淮西制置使參議官以文
 天祥薦除太常博士甫入國門而卒著有默齋稿及訂
 正三輔黃圖漢郡縣山川風俗記諸書

五年己巳四十七歲

是年十二月依舊職差知徽州錢譜云以朝奉大夫祕閣修撰僅按先生慶元府學重建大成殿記後繫銜朝散郎祕閣同修撰知徽州軍州事兼管內勸農營田事節制軍馬云云錢譜誤也以父諱近州名辭免不允錢譜編入六年并誤

六年庚午四十八歲

是年三月上任吏部公嘗守是郡民稱清白太守先生始至父老慶曰此吾清白太守子也在郡遵節用愛人之訓例所不取者悉以予民曰絹曰折帛錢皆蠲一分先期代納曰布麥錢曰下戶鹽隨衣折斛錢曰坊場錢銀皆為民代輸又減權酷月額免折帛茶租月椿舊欠除免糧錢增活人倉田又以十二萬楮為平糶本有水

早則以告糶始至郡時帑纔八萬去之日凡二十七萬

八月作慶元府學重建大成殿記 轉朝奉大夫

刻羅端良爾雅翼於郡齋為文序之

七年辛未四十九歲

是年七月除祕書監兼權中書舍人制內史掌王命外

史掌書志也迺今合二命而昇一儒選顧不重

矣乎以爾學廣聞多筆精墨妙書林詞掖昔嘗從事於

斯矣頃守新安亦既朞月治狀云最迭入為宜茲命領

哀大雅之羣仍兼代言之職以蟠胸之典籍為近古之

訓辭顧不美歟 再辭不允有旨候代 十月轉朝散

大夫解郡組造朝供職書行吏右禮刑房兼國史院編

修實錄院檢討官兼侍講制王人求多聞惟學遜志羣

臣示顯行佛時仔肩茲以爾汲古用功績文覃思太守

與我共理歌乃袴襦大雅於茲為羣職是儀

鴻之吉宜侍清燕之間惟大學知修齊治平之方而

著古今得失之迹資爾敷繹迪朕就將世南五絕之

稱識其祖禹三昧之譽企其齊而進講禮記大

學讀九朝通畧通鑑綱目 十一月除起居郎仍權中

書舍人兼權吏部侍郎制書動有史莫重於左坳貳職

守曹莫劇於右選共貳厥事取諸其能爾節勁氣蘇學

醇才粹東壁圖書之府領袖儒流中舍冊奏之工黼藻
王度望孚已久明陟爲宜迺升侍極之華仍攝廷臣之
要倚相能讀墳典可知紀錄之公王劇可掌銓衡蓋取
品■之審往欽乃職毋遜前聞 上疏極言邊事經筵
指陳成敗事機似道復謀逐之

八年壬申五十歲

是年三月進講禮記徹章賜祕書省御史御製詩天高
地下禮由分聖哲于焉重糾紛心法操存無不敬治功
顯設在斯文會通自可躋明盛品節因知在儉勤游夏
講磨資衆彥精微盡處是尊聞 轉朝請大夫制禮設

莊敬恭儉具存載籍之間學有緝熙光明允賴羣儒之
助屆時竟帙懋賞有彝爾業履粹■文章蔚瞻螭坳載
筆仍參讞約之司虎觀談經■有切磨之益乃若漢儒
之禮記無非孔氏之格言三百三千儀文悉備多聞多
見考論無遺雖明道未嘗計功然用德所以彰善特頒
褒頌爰進文階大夫執圭取彼春朝秋請之義從臣第
頌引我上嘉下樂之規 七月書行吏左戶房 九月
祀明堂攝左相進玉幣爵 是月丁母太碩人憂

僅按陳太

碩人以九月丁丑日卒年八十一見陳合所撰墓誌銘

九年癸酉五十一歲

是年六月撰周易鄭注成序云癸酉季夏載生明汲古

堂書理宗嘗賜吏部公飛白汲古傳忠四字以顏其堂

故因以名之

僅按袁桷困學紀聞序云先生年未五十諸經皆有說晚歲悉焚棄而獨成是書蓋

先生著述在七百餘卷外者正不知凡幾也

十年甲戌五十二歲

是年七月瀛國公卽位 十二月服闋

恭帝德祐元年乙亥五十三歲

是年三月真除中書舍人兼直學士院制彩筆代言地

莫重於修省玉堂揮翰職尤重於北門妙選一儒俾當

兩制朝請大夫王應麟若古吉士爲今聞人蘊藉宏深

富諸子百家之學文章爾雅有三代兩漢之風頃嘗典

於絲綸見謂工於黼黻矧當事機倥偬之會茲乃詞命

填委之時惟誥可以回迷民惟詔可以戢悍卒惟立馬

一揮之制各得其體惟狡兔三穴之語切中其機茲惟

汝能不匿厥指昔在元祐軾以紫薇而掌禁林粵若建

炎藻以掖垣而兼翰苑罔俾專美其昌斯文 二月賈

似道潰師江上 有旨令慶元守臣勉諭赴闕 賈似

道有罪免 四月造朝供職內殿奏對暫權給事中吏

部尚書兼掌外制書行吏左戶兵刑房 是月正謝賜

紫金魚袋兼同修國史實錄院同修撰兼侍讀制朕監

於成憲惟敦學積厥躬佛時仔肩以光明示我德妙柬
多聞之彥俾居勸誦之班朝請大夫試中書舍人兼直
學士院新兼同修國史實錄同修撰賜紫金魚袋王應
麟高明而沈潛閎通而博雅造詣得儒先之奧游夏淵
源文章爲時人之宗卿雲河漢豈惟言語妙天下方將
仁義陳王朝爰躋進讀之聯庶幾納誨之助昔蘇軾之
在西掖嘗侍邇英而德秀之入翰林亦兼經幄此乃我
朝崇儒之意而况新政訪落之初懋乃嘉猷光乃前哲
正心誠意之說朕所欲聞陳善責難之恭爾其素講殫
爾忠盡輔我緝熙 疏陳十事急征討明政刑厲廉耻
通下情求將材練軍實

備糧餉舉實才且請集諸路勤王之師厚賞以作氣惟
擇收守防海道

能戰斯可守時不能用 是月之初作廣平書院記

六月庚子朔日食應詔言答天戒五事陳備禦十策時

國事日壞史院無人先生獨掌綸制從容應當忠義之

心溢於言表 進讀三朝寶訓 七月除試尙書禮部

侍郎兼中書舍人兼書行吏右制朕宏濟時艱旁求衆

正夷典朕禮所以立天下之經說代予言所以見王者

之志於昭竝命允謂得人朝請大夫試中書舍人兼直

學士院兼同修國史實錄院同修撰兼侍讀賜紫金魚

袋王應麟肅括而宏深高明而篤實銅川之傳遠矣厥

有淵源鐵筆之操凜然不淆涇渭屬更大化服在邇聯
 其文字可獨行於中朝其論奏可昭示於當世以崇禮
 勁節竝濯偃月之姦以黼藻偉詞潤色中天之業
 時望進貳春卿俾綸掖之兼行示橐班之增重粵若穆
 陵之初政惟時建水之名儒未及分六省之書已擢真
 少常之列迺今併錫視昔有加疊五組其輝扶若餘刃
 之恢拓噫禮信之士則被廬伸菟討之威赦令之孚則
 山東興忠憤之感體予至意懋爾遠猷
兼給事中黃鑄
 行時西掖獨員
 送給舍
行詞 辭免不允
制朕當國事多艱之時命卿貳春
 官掌西掖豈緩於武而急於文哉昔人謂班朝治軍非

禮威嚴不行詔書之下能令武夫悍卒感泣文事必有
 武備豈不信然卿文行粹明論奏剴切卒以折姦朋之
 鋒植善類之幟卿其為朕辨上下之分以肅軍容敷心
 腹之告以作士氣渙號已敷需章為贅所辭宜不允
兼給
事中黃鑄撰時翰苑
獨員送給舍草詔 八月正謝賜金帶 九月祀明
 堂以禮部侍郎胝滌濯九成加恩封鄞縣開國伯食邑
 九
僅按先生自作墓誌及曠記皆
 云九百戶家乘作五百字誤也 百戶
制嗟臣工而助
 祭清廟所以頌於周崇禮官而考文明堂所以圖於漢
 若稽古誼肇舉宗禋維時持橐之英相我越紉之事肆
 均駿惠式協慶餘朝請大夫試尚書禮部侍郎兼中書

舍人兼直學士院兼同修國史實錄院同修撰兼侍讀
 賜紫金魚袋王應麟心正而氣和學博而識茂欽予時
 命皆疊典詔之文咨汝秩宗非屑玉帛之末屬中辛之
 饗報於先甲以思恭發帝之制則爾潤色於皇猷酌時
 之宜則爾討論於玉律於昭穆穆皇皇之祀爰賴元元
 本本之儒矧侍祠而肅然咸秉聰而對越神人歡洽祉
 福函蒙於邑始封惟祭有澤伯之食四一茲循六典之

禮之儀三千其懋中庸之學 十月奏請立濟王後

加封錫諡從之遣先生致祭 宋史宗室鎮王竑傳德祐元年試禮部侍郎兼中書

舍人王應麟請更封大國表墓錫諡議者謂迎善氣銷惡運莫先於此陛封鎮王諡昭肅以因萬畝賜其家遣

應麟致祭除兼禮部尚書辭免不允 制周官有宗伯大小之

職大禮則小佐大之事小禮則大如小之儀大者倡而
 小者隨大者專而小者貳也卿博學之識貫穿九流渾

灑之文斧藻兩制言論雖歸於忠厚封駁不避於權豪
 爰陟貳卿禮典具備俾攝常伯民譽必隆周官大小之

職悉以付卿昔叔孫不憚 之難虞廷不聽秩官之

遜亟其祇受奚以辭為所辭宜不允 除禮部尚書兼

給事中辭免不允 制朕未有識知博采羣英孰司禮如

珪之賢負台斗望孰批勅如藩之正號宰相材以卿學

質而文華行端而履潔在詞垣則封駁有直氣居從列

則獻納多嘉謀是用酌之僉言賁以一命能貳秩宗必

能長寅清之職能還誥命必能專封駁之長鎮之執五

詔如初軾之陳六事有益佇聞忠告何媿前修矧國家

艱難之時非臣子辭遜之日亟祇成渙毋事冲謙所辭

宜不允兼權中書舍人方應發擬時辭兼中書舍人

從之兼攝吏部尚書十一月丞相留夢炎用徐囊

為御史時江陵帥朱禩孫江西帥黃萬石皆北降夢炎

猶除拜二人官繳奏上疏駁之並糾夢炎再疏不報出

關俟命疏入又不報即引歸僅按此條參取家乘錢譜

傳與宋史稍異十二月詔中使譚純德以翰林學士宣召再辭

免

二年丙子五月端宗景炎元年五十四歲

是年五月元師入臨安帝蒙塵先生杜門不出所著述

只書甲子朝夕坐堂上取經史諸書講解論辨子昌世

年甫十二僅按黃潛墓誌云甫十歲聽受無倦

端宗景炎二年丁丑五十五歲

三年戊寅五月帝昺祥興元年五十六歲

時元人以告變之章大捕四明遣老以為欲迎二王先

生益潛迹

祥興二年己卯五十七歲

王深寧先生年譜

二月帝崩於海宋亡

元世祖至元十七年庚辰五十八歲

八月通鑑地理通釋成 是歲長子良學卒年三十三

十八年辛巳五十九歲

五月漢制考成

十九年壬午六十歲

是年作四明七觀

二十年癸未六十一歲

二十一年甲申六十二歲

二十二年乙酉六十三歲

二月夢前宰輔謂陳宜中以太學所上書求作跋語寤而識之

二十三年丙戌六十四歲

正月序踐阼篇集解

二十四年丁亥六十五歲

是年同邑袁洪遣其子楠受業僅按楠樞密贈越公韶會孫建康通判洪子錢

譜直云韶遣其子洪舛甚

二十五年戊子六十六歲

二十六年己丑六十七歲

二十七年庚寅六十八歲

城中握蘭橋旁民家穿土得誌石乃唐開成四年太原
王夫人之墓文稱曾祖王元涪在元宗時拜諫議大夫
左庶子慕巢由之志辭疾不就因作詩紀之 作奉化
社稷壇記

二十八年辛卯六十九歲

是冬肅政廉訪副使陳祥分治慶元路慕先生名德造

廬式之

謝山全氏困學紀聞卷一箋云據袁清容集言深寧當元初嘗爲俗吏所窘其時甬上故公相

家子弟皆不免於折辱惟杜門用晦而已久之始有稍致敬於深寧者會修學宮求深寧作記然深寧杜門如故也僅按致敬之語蓋卽指陳祥造廬事

二十九年壬辰七十歲

三月作慈湖書院記 八月作奉化重修縣治記 九

月作慶元路建醫學記 十月作慶元路重建儒學記

僅按錢譜云九月作慶元路學重建大成殿託今依四明文獻集訂正

三十年癸巳七十一歲

八月作鄞縣重修儒學記

三十一年甲午七十二歲

十二月甲午作義田莊先賢祠堂記

袁桷書世綸堂雅集詩卷云吾鄉盛

時比屋皆故家大官卒至國亡無賣降於外者當至正末年諸老先生猶亡恙時則有深寧王先生師表模範世綸雅集猶有洛社耆英之遺意謝山全氏句餘土音序云宋之亡也遺老自相倡酬時則深寧王公爲主盟陳西麓尤工詩寓公則舒閔風劉正仲之徒咸豫焉

成宗元貞元年乙未七十三歲

二年丙申七十四歲

是春作九先生詞堂記 六月十二日戊申卒葬同舉

舊名同曾祖察使公墳下馬家山先期自為墓志題曰

遺民其銘曰其仕其止如倥如圖論者謂先生風節不

自志 婉致光表聖而文章學問則遠過之所著深寧集一百

卷玉堂類藁二十三卷補上者舊傳掖垣類藁二十二

卷古易考不著周易鄭注一卷二書宋史補上詩攷五

卷詩地理攷六卷宋史補上者舊漢藝文志考證十卷

通鑑地理攷一百卷通鑑地理通釋十六卷通鑑答問

四卷困學記聞二十卷蒙訓七十卷集解踐阼篇不著

補注急就篇六卷補注王會篇不著小學紺珠十卷玉

海二百卷詞學指南四卷詞學題苑四十卷筆海四十

卷姓氏急就篇六卷漢制攷四卷六經天文編六卷小

學諷詠四卷共七百餘卷宏簡錄本傳云所著書凡六

述之盛前無如葛稚川所著書六百餘卷其次即先生

所著六百八十九卷亦極盛矣僅按臬堂先生所紀卷

數有弟子著名者胡三省戴表元袁桷黃叔雅史晏卿

史蒙卿趙孟傑楊浚王惟賢先生在宋時官至朝請大

夫禮部尚書賜金紫鄞縣開國伯夫人鄭氏丞相安晚

四女孫也再娶江口李氏皆贈碩人三娶後陽舒氏封

碩人子二人良學官至兩浙運幹先卒昌世字昭甫學

者稱靜學先生以父恩補承務郎未及祿而宋亡入元

力辭薦舉隱居教授恭定丁卯卒事詳黃潛墓誌女二人一適

史萬卿一適戴泳良學子文遠文遠子懋孫去疾去疾

無子懋孫子奕傳昌世子厚孫字叔載學者稱遂初先生著有遂初集

三十寧孫字叔遠僅按寧孫之字徧者誌載皆作叔遠蓋取諸葛公語非有誤也惟當日何以取同祖兄名為字為可疑耳錢譜作叔達與諸書不符恐未可憑厚孫二子陞

騰厚孫子三人陞同騰為寧孫後生二子宗傳中傳中騰與家乘不合誤也

傳還為陞後錢譜云先生有四世孫中傳見崇陽外史僅按謝山全氏甬上族望表云竹林

王氏共五望其後散處於越居鄞者微攷之家乘則遷

越為太常默齋先生之後非先生裔也又按凌儀王

氏家乘為宗傳子馴所修馴弟駢四世孫鎮嘉靖間重修

深寧先生年譜終

宋史儒林列傳

王應麟字伯厚慶元府人九歲通六經淳祐元年舉進士
從王埜受學調西安主簿民以年少易視之輸賦後時應
麟白郡守繩以法遂立辦諸校欲爲亂知縣事翁甫倉皇
計不知所出應麟以禮諭服之差監平江百萬東倉調浙
西提舉常平茶鹽主管帳司部使者鄭霖異待之丁父憂
服除調揚州教授初應麟登第言曰今之事舉子業者沽
名譽得則一切委棄制度典故漫不省非國家所望於通
儒於是閉門發憤誓以博學宏辭科自見假館閣書讀之
寶祐四年中是科應麟與弟應鳳同日生開慶元年亦中

王深寧先生年譜
是科詔褒論之添差浙西安撫司幹辦公事帝御集英殿策士召應麟覆考考第既上帝欲易第七卷寘其首應麟讀之乃頓首曰是卷古誼若龜鑑忠肝如鐵石臣敢爲得士賀遂以第七卷爲首選及唱名乃文天祥也遷主管三省樞密院架閣文字遷國子錄進武學博士疏言陛下閱理多願治久當事勢之艱輿圖蹙於外患人才乏而民力殫宜強爲善增修德無自沮怠恢宏士氣下情畢達操綱紀而明委任謹左右而防壅蔽求哲人以輔後嗣旣對帝問其父名曰爾父以陳善爲忠可爲繼美丁大全欲致應麟不可得遷太常寺主簿面對言淮戍方警蜀道孔艱海

表上流皆有藩籬唇齒之憂軍功未集而吝賞民力旣困而重斂非修攘計也陛下勿以宴安自逸勿以容悅之言自寬帝愀然曰邊事甚可憂應麟言無事深憂臨事不懼願汲汲預防毋爲壅蔽所欺時大全諱言邊事於是應麟罷去及大全敗起應麟通判台州召爲太常博士擢秘書郎俄兼沂靖惠王府教授彗星見應詔極論執政侍從臺諫之罪積私財行公田之害又言應天變莫先回人心回人心莫先受直言箝天下之口沮直臣之氣如應天何時

連權臣意故應麟及之遷制作佐郎度宗卽位權禮部郎官草百官表舊制請聽政四表已上一夕入臨

宰臣諭旨增撰三表應麟操筆立就丞相總護還辭位表
三道使者立以俟應麟從容授之丞相驚服卽授兼禮部
郎官兼直學士院馬廷鸞知貢舉詔應麟兼權直俄兼宗
政殿說書遷著作郎守軍器少監經筵值人日雪帝問有
何故事應麟以唐李嶠李义等應制詩對因奏春雪過多
民生飢寒方寸仁愛宜謹感召遷將作監帝視朝謂應麟
曰爲學要灼見古人之心應麟對曰嚴恭寅畏不敢怠皇
克勤克儉無自縱逸強以馭下制事以斷此古人之心然
操舍易忽於眇綿兢業每忘於游衍帝嘉納之旣而輪對
言人君防未萌之欲存不已之誠擢兼侍立修注官升權

直學士院遷秘書少監兼侍講上疏論市舶不報會賈似
道拜平章事葉夢鼎江萬里各求去似道亦求去應麟奏
孝宗朝闕相者亦逾年帝亟取以諭之似道聞應麟言大
惡之語包恢曰我去朝士若王伯厚者多矣但此人素著
文學名不欲使天下謂我棄士彼盍思少自貶恢以告應
麟笑曰迂相之患小負君之罪大遷起居舍人兼權中書
舍人冬雷應麟言十月之雷惟東漢數見命令不專姦豕
並進卑踰尊外陵內之象當清天君謹天命體天德以回
天心守成必法祖宗御治必總威福似道聞之斥逐之意
決矣應麟牒閣門直前奏對謂用人必先察君子小人方

袖疏侍班臺臣亟疏駁之由是二史直前之制遂廢以秘閣修撰主管崇禧觀久之起知徽州其父撝嘗守是郡父老皆曰此清白太守子也擢豪右省租賦民大悅召爲秘書監權中書舍人力辭不許兼國史編修實錄檢討兼侍講遷起居郎兼權吏部侍郎指陳成敗逆順之說且曰國家所恃者大江襄樊其喉舌議不容緩朝廷方從容如常時事幾一失豈能自安親臣無以邊事言者帝不憚似道復謀斥逐適應麟丁母憂去及似道潰師江上授中書舍人兼直學士院卽引疏陳十事急征討明政刑厲廉耻通下情求將材練軍實備糧餉舉實材擇牧守防海道其目

也且言圖大患者必畧細故求實效者必去虛文因請集諸路勤王之師有能率先而至者宜厚賞以作勇敢之氣并力進戰惟能戰斯可守進兼同修國史實錄院同修撰兼侍讀遷禮部侍郎兼中書舍人日食應詔論答天戒五事陳備禦十策皆不及用尋轉尙書兼給事中左丞相留夢炎用徐囊爲御史擢江西制置使黃萬石等應麟繳奏曰囊與夢炎同鄉有私人之嫌萬石麤戾無學南昌失守誤國罪大今方欲引以自助善類爲所搏噬者必攜持而去吳浚貪墨輕躁豈宜用之况夢炎舛令慢諫讜言勿敢告今之賣降者多其任用之士疏再上不報出關俟命再

王深寧先生年譜
奏曰因危急而紊紀綱以偏見而拂公議臣封駁不行與
大臣異論勢不當留疏入又不報遂東歸詔中使譚純德
以翰林學士召識者以爲奪其要路寵以清秩非所以待
賢者應麟亦力辭後二十年卒所著有深寧集一百卷玉
堂類藁二十三卷披垣類藁二十三卷詩攷五卷詩地理
攷五卷漢藝文志攷證十卷通鑑地理攷一百卷通鑑地
理通釋十六卷通鑑答問四卷困學記聞二十卷蒙訓七
十卷集解踐阼篇補注急就篇六卷補注王會篇小學紺
珠十卷玉海二百卷詞學指南四卷詞學題苑四十卷筆
海四十卷姓氏急就篇六卷漢制攷四卷六經天文編六

卷小學諷詠四卷

浚儀遺民自誌

王氏也應麟名也伯厚甫字也其先浚儀人居鄞自曾大
父始也遺民不忘舊也世系則先君吏部正奉先妣陳碩
人誌銘可見也先君擢第之歲與弟太常博士應鳳生同
日嘉定癸未七月也學以先君爲師伯仲自爲友閉門讀
書不妄交也年十九第進士乙科淳祐辛丑也年三十四
以博學宏辭擢用寶祐丙辰也初仕爲衢州西安簿監戶
部百萬倉主管浙西提舉常平茶鹽帳司添差浙西安撫
司幹辦公事登朝出爲添差通判台州以秘閣修撰知徽
州此在外所歷之官也始入朝主管三省樞密院架閣文

字國子錄武學博士太常寺主簿又爲太常博士秘書郎兼沂靖惠王府教授著作佐郎兼禮部郎翰林權直崇政殿說書遷著作郎軍器少監陞學士院權直遷將作監陞權直學士院兼侍立修注官遷秘書少監兼侍講遷起居舍人兼權中書舍人又召爲秘書監兼中書舍人兼國史院編修實錄院同修撰兼侍讀遷禮部侍郎兼中書舍人兼權禮部尚書遷禮部尚書兼給事中攝吏部尚書此在內所歷之官也瑣闥封駁不得其言去詔中使趣召懇辭遂老子田園德祐乙亥也自初命至朝請大夫賜服金紫鄆縣開國伯食邑九百戶此其封階也性謹慤寡慾介直

少通不苟同流俗也立朝恬靜涖官公勤處家簡儉涪郡潔已愛民守先訓也再入翰苑三人掖垣制彙凡四十五卷才弱文不逮古也嗜學老不倦爲困學紀聞彙次之書有詩攷詩地理攷漢藝文志攷通鑑地理攷地理通釋通鑑答問集解踐阼篇補注急就篇王會篇輯古今言行爲蒙訓其文彙曰深寧集然不足傳也自爲誌銘傲樊川潛山也生稱逸民死表其阡曰前進士王君之墓歸全奚憾而在三之報有媿於古之人也銘曰
學古而迂志壹而愚其仕其止如倕如圖不足稱於遺老或庶幾乎守隅歸從先人戰兢免夫

宋吏部尚書王公壙記

先生王氏諱應麟字伯厚世居開封之祥符曾大父諱安道武經大夫保信軍承宣使轉和州觀察使始居四明之鄞妣陳氏龍氏並贈宜人大父諱希亮朝散大夫妣張氏封宜人父諱撫朝請大夫吏部郎中兼崇政殿說書累贈正奉大夫妣陳氏封太碩人先公於嘉定十六年七月庚午與叔父太常博士諱應鳳生同日登淳祐元年進士第授迪功郎衢州西安縣主簿八年差監戶部平江府百萬東倉明年升從事郎十二年差浙西提舉常平茶鹽司主管帳司是歲丁吏部公憂寶祐三年服闋差揚州學教授

四年中博學宏詞科有旨陞擢添差澗西安撫司幹辦公事五年主管三省樞密院架閣文字除國子錄宣教郎六年除武學博士開慶元年除太常寺主簿景定元年轉奉議郎添差通判台州四年轉承議郎召爲太常博士五年除行秘書兼沂靖惠王府教授遷著作佐郎度宗登極轉朝奉郎攝直學士院權禮部郎官兼翰林權直兼崇政殿說書遷著作郎二年除守軍器少監陞兼學士院權直轉朝散郎遷將作監賜緋魚袋三年兼侍立修法官陞權直學士院遷祕書少監兼侍講遷起居舍人兼權中書舍人經筵徹章轉朝請郎四年除秘閣修撰主管建康府崇

禧觀五年仍舊職差知徽州吏部公舊治也六年轉朝奉大夫七年召爲祕書監兼權中書舍人兼國史院編修官實錄院檢討官兼侍講遷起居郎兼吏部侍郎八年經筵徹章轉朝請大夫兼直學士院兼同修國史實錄院同修撰兼侍讀賜紫金魚袋遷禮部侍郎兼中書舍人權禮部尙書兼給事中攝吏部尙書以明堂恩封鄞縣開國伯食邑九百戶自是歸諡田里逾二十年號深寧叟以元貞二年六月戊申卒於正寢享年七十有四嗚呼痛哉娶鄭氏繼娶李氏先卒並贈碩人繼舒氏封碩人子男二長良學承務郎兩浙運幹羅買官先公十六年卒次昌世女二長

王厚齋先生小傳
通通仕郎史萬卿次適仕郎戴泳早卒孫男文遠曾孫
男二楨孫去疾女一昌世等不孝忍死將以是年十二月
辛酉奉匱窆於陽堂鄉同畧之原從祖父兆先志也葬日
薄謹述官爵始末以識罔極之痛云孤子昌世泣血謹記

王厚齋先生小傳

四明文獻集

鄭真

王應麟字伯厚號深寧居士慶元人九歲通六經十六歲
從鄉先生吳參倚游復從王栻受學得呂成公真文惠之
傳淳祐元年舉進士爲西安主簿調浙西提舉常平茶鹽
主管帳司調揚州教授寶祐四年中博學宏詞科添差浙
西安撫司幹辦公事遷國子學錄進武學博士遷太常寺
簿通判台州召爲太常博士擢秘書郎俄兼沂靖惠王府
教授彗星見應詔極論執政侍從臺諫之罪積私財行公
田之害遷著作佐郎度宗卽位攝禮部郎撰百官表操筆
立就授兼禮部郎官兼攝學士院俄兼權直兼崇政殿說

書遷著作郎守軍器少監轉對擢兼侍立修注官遷秘書
少監兼侍講遷起居舍人兼權中書舍人牒閣門直前奏
事謂用人莫先察君子小人袖疏侍班臺臣亟駁之由是
二史直前之制遂廢出知徽州召爲秘書監權中書舍人
遷起居郎兼權吏部侍郎以母憂去德祐改元授中書舍
人兼直學士引疏陳十事進兼侍讀遷禮部侍郎日食應
詔言答天戒五事陳備禦十策皆不及用轉尚書兼給事
中左丞相留夢炎用徐囊爲御史擢江西制置使黃萬石
等繳奏論囊與夢炎同鄉有私人之嫌萬石龕炭無學南
昌失守誤國罪大夢炎外令懷諫今之賣降者多其任用
之士疏入不報出關侯命以翰林學士召力辭東歸家居
凡二十年著書三十餘種惟玉海盛行於世學者稱爲厚
齋先生

宋王尙書畫像記

全祖望

往者太原關丈百詩篤嗜深寧先生之著述三屬人入鄞
求先生之行狀神道碑墓志欲附之卷尾又求其畫像欲
摹之卷首而皆不可得先生孫枝在鄞者零落其在紹之
上虞者亦不知其盛與否也予罷官歸同學葛君莛亭爲
予言榆莢村王氏有先生像亟喜往請而觀之亡宋遺民
所云咸淳人物面目當時已等之彝鼎况大儒如先生乎
先生之學私淑東萊而兼綜建安江右永嘉之傳予於同
谷三先生書院記言之詳矣生平大節自擬於司空圖韓
偓之間良無所媿顧所當發明者有二其一則宋史之書

法也先生於德祐之末拜疏出關此與會淵子輩之潛竄者不同先生既不與軍師之任國事已去而所言不用不去何待必俟元師入城親見百官署名降表之辱乎試觀先生在兩制時晨夕所草詞命猶思挽既渙之人心讀之令人淚下則先生非肯愬然而去者今與淵子輩同書曰遁安矣其一則明儒所議先生入元曾爲山長一節也先生應元人山長之請史傳家傳志乘諸傳皆無之不知其何所出然卽令會應之則山長非命官無所屈也箕子且應武王之訪而况山長乎予謂先生之拜疏而歸蓋與馬丞相碧梧同科卽爲山長亦與家參政之教授同科而先生之大節如青天白日不可掩也嗚呼先生困學記聞中有取於姚弋仲王猛之徒與楊盛之不改正朔并謝靈運臨難之詩其亦悲矣而謂士不以秦賤經不以秦亡俗不以秦壞何其壯也嗚呼李德林之以事周者事隋更足爲興王用人之戒今觀先生之像須眉惆悵端居不樂其當杜門謝客之際乎惜不令百詩見之也

按此記全氏所見當是私第角巾之像惟榆莢村王非先生族屬不知當時何以有此求之村人謂已毀於禧出矣今先生孫枝居唐家滙者樸愿無文飾奉其像與家乘俱來冠帶袍笏儼然如生上方有先生自誌明崇

禎間曹某書爲先生第十八世女孫之婿世守足徵洵
與鼎彝比重且稱此像遑時曾爲人攜至太原豈潛邱
已得先睹而全氏作記時未相聞耶先生爲宋臣傳在
宋史畫像固宜遵宋冠服故本之摹諸卷首仍錄此者
以榆莢村一說當在傳疑之例其發明二事亦知人論
世之一助云童槐識

捐造深寧先生祠堂引

徐錫圭

吾郡碩儒未有如深寧先生者也而舊無專祠殊爲闕典
今西郊文昌閣有成斥其河壩餘地足以集事前旣承當
道長官及梓鄉紳士共襄盛舉巍然傑構壯我西顧矣而
不及今令不世出之名賢俎豆其旁甚非所以獎興文運
誘進後生也先生之學光芒宇宙其文集散佚然卽所流
傳諸書已與奎璧爭輝矣是宜生其地者之必思所以崇
報之無怠也先生孫枝僅存保有明初所遺家乘具載歷
官告身行狀墓志傳贊他日當并勒之祠中以爲此邦人
觀法也惟願勉力佐成一與建閣意無異幸甚幸甚

跋

嘉慶庚辰余在京邸得竹汀錢氏深寧先生年譜度行篋中道光丁亥既自贛州歸適先生後人居南鄉唐家滙者以先生畫像及家乘來則中有年譜在焉喜極取以校錢氏譜則錢譜十譌七八甚矣譜學之難也凡家乘多附會不足據而先生子昌世所作壙記則徵信之物也因與婦弟張子鐵峯悉心核校以壙記家乘爲主參之錢氏及史傳諸紀載稽疑訂謬別編次爲卷家乘猶是嘉靖間舊物多漫漶蠹脫處可補者補之其不可知者以俟異日憶甲申之秋余約同人合醵爲先生生日自後率以爲常去

夏創建專祠不踰年而告成而畫像家乘亦不期而獲焉
不可謂非先生之靈之所式憑也爰識其緣起如此
道光八年季秋邑後學陳僅跋於文則樓

跋

嘉定錢氏所編先生年譜半據延祐志然多失次如遷常
簿及輪對忤丁相罷職在開慶己未通判台州在景定庚
申攷之先生壙記及宋史皆合而錢譜俱在寶祐戊午其
他遷除年序舛錯不一則延祐志之不足據也道光七年
五月陳漁珊姊丈與余創建先生祠堂適得明嘉靖間浚
儀王氏家乘抄本尙書公年譜互加案按屬余別爲編次
嘉定十六年至德祐元年本之王氏家譜參以錢譜德祐
二年訖元貞二年本之錢譜參以王氏家譜云
道光八年秋九月邑後學張恕跋於長春花館

歲次入春... 歲次入春...

二月... 二月...

歲次十六... 歲次十六...

五月... 五月...

六月... 六月...

七月... 七月...

八月... 八月...

九月... 九月...

十月... 十月...



